

ՀԱՅ-ՌՈՒՍ-ՊԱՐՍԱԿԱՆ ԿԱՊԵՐԻ ՊԱՏՄՈՒԹՅՈՒՆԻՑ

(XVIII դարի վերջ)

Պ. Ա. ՉՈՐԱՆՅԱՆ

Հայ ժողովրդի XV—XVII դդ. ազատագրական պայքարի ընթացքում հայ բաղաբական գործիչները համոզվել էին, որ օտար լծից Հայաստանի ազատագրման գործի կազմակերպումը կապված էր բազմաթիվ դժվարությունների ու խոչընդոտների հաղթահարման հետ, որին և ձեռնամուխ էր լինում յուրաքանչյուր նոր սերունդ, եթե նպաստավոր որևէ հանգամանք սկսում էր որոշակի հույս ներշնչել։ Իր հայրենիքին ու մշակույթին կառչած ժողովրդի առաջնորդները, սակայն, հույսեր էին փայփայում, որ այն. ինչ սեփական ուժերով անհնար է իրականացնել ուժերի անհավասարության պայմաններում, ապա հնարավոր կարելի է դարձնել ճկուն քաղաքականությամբ՝ օգտագործելով արտաքին ու ներքին նպաստավոր հանգամանքները, այն է. համագործակցելով թուրք-պարսկական բռնակալությունների դեմ հանդես եկող պետությունների հետ։ Այդ նպատակով հայկական բազմաթիվ դեսպանագնացություններ են եղել ժամանակի քաղաքակիրթ աշխարհի բոլոր այն պետություններ ու երկրներ, որոնց շահերը այս կամ այն չափով հակադրվում էին պարսկական կամ թուրքական պետությունների շահերին¹։ Եթե մինչև XVII դարի երկրորդ կեսը Մեծավոր Արևելքի առևտրով ու նրա ստրատեգիական դիրքով շահագրգռված էին հիմնականում եվրոպական խոշոր տերությունները (Ֆրանսիա, Անգլիա, Իսպանիա, Պորտուգալիա, Իտալիա, Լեհաստան և այլն), ապա XVII դարի վերջերից Ռուսաստանի նվաճողական միտումները քաղաքական հույսերի նոր հորիզոններ բացեցին հայ գործիչների առջև և նրանք ձեռնամուխ եղան օգտագործելու ստեղծվելիք նոր հնարավորությունները։ Այդ հույսերը շարդարացան XVIII դարի առաջին երեսնամյակին, հայ ժողովրդի ազատագրական զինված պայքարը պարտություն կրեց։ Անհաջողությունը, սակայն, չէր բացառում նման հնարավորության հավանականությունը և հայ գործիչները XVIII դարի երկրորդ կեսին ևս շարունակում էին Հայաստանի ազատագրման ծրագրերում կարևոր տեղ հատկացնել Թուրքիայի ու Պարսկաստանի թուլացման գործում այլ պետությունների, և մասնավորապես Ռուսաստանի ռազմական միջամտության հանգամանքին, հասկանալով, թե որքան վտանգավոր է առանց յուրջ նախապատրաստական աշխատանքի ու առանց դաշնակիցների, միայն իրենց ունեցած փոքրաքանակ ուժերով մարտահրավեր նետել այն պետություններին, որոնց կազմի մեջ և տիրապետության առակ էր գտնվում Հայաստանը այդ ժամանակ։

Պատասխանելով Շահամիր Շահամիրյանի Հնչկաստանից գրած նամակներին, որտեղ հորհրդվում էր ազատության հասնել ասպատամբության

¹ Այդ մասին հանգամանորեն տե՛ս Ա. Գ. Հովհաննիսյան. Դրվագներ հայ ազատագրական մարքի պատմության. հ. 2, Երևան, 1959; Հ. Անասյան. XVII դարի ազատագրական շարժումներն Արևմտյան Հայաստանում. Երևան, 1961; Մ. Զուլայյան. Արևմտյան Հայաստանը XVI—XVIII դդ. Երևան, 1980, էջ 337—390; Т. Г. Тивадзе. Об использовании армянских купцов на дипломатической службе грузинскими пашами.—«Այսրկովկասի պատմության պրոբլեմները» (վրաց.). Թբիլիսի, 1991, էջ 238—245:

միջոցով և մեղադրանք կար օտարի լուծը տանելու համար, Ղուկաս կաթողիկոսը 1789 թ. գրում է. «Բայց լինէր թէ դու՝ օրհնեալդ, այժմ յայս կողմանքս գայիր և ականատես վերահասութեամբ իմանայիր զկացութիւնս մեռազնէից և զանօգնականութիւն և զբռնութիւն իշխողացն և ինքնին կնքէիր, թէ այս դիտմանցս յառաջանալ ոչ լինի: Ապա թէ հնարավոր իցէր յառաջանալն մի՞թեք յիմար իցեմք, որ ի տառապանաց զերծանիլ չկամիցիմք: Ղուկաս կաթողիկոսը պատկերավոր լինելու համար շեշտում է. «Զկուրք որսացեալ ի ցանցս, և թռչունք ըմբռնեալք ի վարմս, ջտնան զերծանիլ, ապա ո՞րքան ևս առաւել բանականքս բաղձամք ազատութեան, սակայն զի և մտանգաւոր յոյժ, վասն որոյ երկուց շարեաց զփոքրն ընտրել պիտոյ է: Միաժամանակ նշում է, թե ինքը ի՞նչ վտանգէ՛ք նկատի ունի և ինչի՞ց է զգուշանում. «Առ այս խնդրեմ ի միտ ածել զԵրուսաղէմացիս և զայլ հրէայս ապստամբս ի հռովմայեցոց, թէ զի՞նչ կրեցին, որք ո՞րեւ զօրաւորք էին»²:

Ինչպես Ղուկաս կաթողիկոսը, այնպես էլ մյուս եկեղեցաքաղաքական առաջնորդները չէին դադարում ուղիներ որոնել ազատութեան գործի հաջողութիւնը ապահովելու համար: Այդ աշխատանքը տարվում էր եղած հնարավորութիւնների առավել օգտագործման և ազգի պահպանման ուղղութեամբ՝ եկեղեցական ու աշխարհիկ իրադրութիւնը կայուն և միասնական պահելու, դավանական պառակտումներ թույլ չտալու և քաղաքական ու միջազգային բարենպաստ հնարավորութիւններին հետեւելու և այդպիսիք ստեղծելու ջանքեր գործադրելու միջոցով: Այդ նպատակով բանակցութիւններ էին վարվում բոլոր շրջակա պետութիւնների ու քաղաքական կազմավորումների, այդ թվում նաև Ռուսաստանի հետ: Առանձնակի ուշադրութիւն էր դարձվում ուժերի ներածին չափ հայկական բնակավայրերի ավերածութիւններ թույլ չտալու գործին: Հայ քաղաքական միտքը XVIII դարի վերջին տասնամյակներին փորձում էր Հայաստանի ազատագրութեան համար օգտագործել նաև պարսկական տերութեան մեջ եղած հակամարտութիւնները և հենվել այն ուժերի վրա, որոնց համար կարող էր բարենպաստ լինել Ռուսաստանի ու այսրկովկասյան, այդ թվում նաև հայ ժողովրդի օժանդակութիւնը ստանալու գաղափարը: Այդ առումով մեծ գործ էին կատարում հայ քաղաքական գործիչները և մասնավորապես նաև էջմիածնի նվիրակ և ռուսահայոց հոգեւոր առաջնորդ Հովսեփ Արղութեանը, փորձելով բարեկամական կապեր հաստատել Իրանի դահի համար պայքարում իր հերթին Ռուսաստանի օժանդակութեան կարիքն զգացող ոչ միայն Ալի Մուրադ խանի³, այլև Աղա Մահմադ խանի եղբայր Մուրթուղա Կուլի խանի հետ⁴: Վերջինիս հետ մոտ մեկ տասնամյակ հայ գործիչների մտերմութիւնը թելադրված էր ինչպես Իրանի դահի համար նրա թեկնածութիւնը Ռուսաստանի կողմէ պաշտպանվելու խնդրով, այնպես էլ ռուսական արքունիքում բարենպաստ կարծիք ստեղծելու մեջ հայ գործիչների միջնորդութեանը դիմելու նրա մտահոգութեամբ:

Հասկանալու համար այդ ընտրութեան հնարավորութեան և հիմնավորվածութեան, աստիճանը, փորձենք հանգամանորեն ներկայացնել XVIII դա-

² Ս. Վ. Տեր-Ավետիսյան. Նյութեր Հնդկաստանի հայ գաղութի պատմութեան համար.— Երևանի պետ. համալսարանի գիտական աշխատութիւններ, հ. XIII, Երևան, 1940, էջ 68:

³ А. Р. Иоганнисян. Россия и армянское освободительное движение в 80-х годах XVIII столетия. Ереван, 1990, с. 130—144.

⁴ Մուրթուղա Կուլի խանի և հայ գործիչների կապերի գոյութիւնը ժամանակին նկատել է Վ. Դիլոյանը և հրատարակել Հովհաննէս Լազարյանին նրա գրած փոքրիկ նամակի տեքստը (Վ. Դիլոյան. Լազարյանների հասարակական-քաղաքական գործունեութեան պատմութիւնից (XVIII դարի երկրորդ կես). Երևան, 1966, էջ 178—179):

րի վերջերի Իրանի քաղաքական կացության ու ներֆեոդալական պայքարի կարևորագույն դրվագները:

Դեռևս 1760-ական թթ. սկզբներին, Քերիմ խանի իշխանության ժամանակ, գերագահություն ստանալու նպատակով ներֆեոդալական երկպառակություններ սկսվեցին Մազանդարանում գտնվող ղաջարական Դավալու և Կոյունլու տոհմերի միջև: Պայքարը թուլացնելու նպատակով Քերիմ խանը Կոյունլու տոհմը տեղահանեց և բնակեցրեց Դամղանի մոտ, իսկ առաջնորդներին որպես պատանդ պահեց իր արքունիքում: Տեղահանությունը հանձնարարվել էր Աղա Մահմադ խանին, որն իր հետ վերցրեց եղբայրներից ներանց, որոնք մայրական գծով չէին պատկանում Դավալու տոհմին: Մազանդարանում մնացին նրա եղբայրներ Մուրթուզա Կուլի խանը և Մուստաֆա Կուլի խանը:

1779 թ. մարտի 2-ին Շիրազում մահանում է Քերիմ խանը: Նույն օրն իսկ Աղա Մահմադ խանը, որը ևս որպես պատանդ պահվում էր Շիրազում, Քերիմ խանի պալատականների աջակցությամբ փախչում է Շիրազից: Մեկ շաբաթ անց նա արդեն բավական կողմնակիցներ ու ռազմական ջոկատ էր հավաքագրել: Եղբայրների հետ հակասությունը չխորացնելու նպատակով Աղա Մահմադ խանը 1780 թ. գրավելով Մազանդարանը և Աստարաբադը, իսկ 1781 թ. գարնանը՝ Գիլանը, Հեղաթ խանի փոխարեն Գիլանի կառավարիչ է նշանակում Մուրթուզա Կուլի խանին: Սակայն շուտով ապստամբություն է ծագում վերջինիս բեմ և սա ստիպված է լինում փախչելով փրկվել նախ Լահիճում և ապա Մազանդարանում: Աղա Մահմադ խանը զբաղված լինելով Ալի Մուրադ խանի կողմից ուղարկված զորքերի հետ պատերազմելով, չէր կարող օգնել Մուրթուզա Կուլի խանին:

Դեռևս Գիլանում եղած ժամանակ Մուրթուզա Կուլի խանը Ռուսաստանի հետ նամակագրություն էր սկսել: Ռուսաստանի նկատմամբ դրականորեն էր տրամադրված նաև Աղա Մահմադ խանը, որը թույլատրել էր Վոյնովիչը էքսպեդիցիային 1781 թ. Աստարաբադի մոտ կառուցել առևտրական ֆակտորիա: Այն կառուցվեց բավական անառիկ և այնտեղ կարող էին պատրաստվել մոտ 1000 մարդ: Այդ կասկածելի է թվում Աղա Մահմադ խանին: Նրա հրամանով Վոյնովիչը ձերբակալվում է ու ետ ուղարկվում 1782 թ., իսկ ֆակտորիան ավերվում է: Աղա Մահմադ խանի և Ռուսաստանի հարաբերությունները դառնում են թշնամական: Ռուսաստանը սկսում է հարաբերություններ հաստատել Ալի Մուրադ խան Զենդի հետ:

Ալի Մուրադ խանը գիտեր Աղա Մահմադ խանի նկատմամբ Ռուսաստանի վերաբերմունքի մասին և աշխատում է օգտվել այդ հանգամանքից: 1784 թ. ապրիլին նա կովկասյան գիծ է առաքում իր ներկայացուցիչ Մուհամմեդ խանին⁵: Ռուսաստանի համար գալթակղիչ էր այն, որ Ալի Մուրադ խանը Ռուսաստանի պաշտպանությունը և օժանդակությունը ստանալու համար պատրաստ էր հրաժարվելու Ղարադադը, Ղարաբադը, Նախիջևանը և Երևանի նահանգը նվաճելու մտքից⁶: Դեռևս 1782 թ. Ալի Մուրադ խանը իր զորքերի ռազմունակությունը բարձրացնելու նպատակով Հովսեփ Էմինին առաջարկում էր վարժեցնել զորքի մի մասը⁷:

Միաժամանակ համառ պայքար էր ընթանում Ալի Մուրադ խանի և Աղա Մահմադ խանի միջև հենց հյուսիսային Իրանում, որը 1784 թ. արդեն գրեթե գտնվում էր Ալի Մուրադ խանի զորքերի հսկողության տակ: Աղա Մահմադ խանը պատսպարվել էր Աստարաբադում, որը գրավելու ներպատակով զենդերը մեծ ուժեր էին կենտրոնացրել: Նրանց դեմ Աղա Մահ-

⁵ Н. Дубровин, История войн и владычества русских на Кавказе, Т. II, СПб., 1886, с. 165—169. 1784 թ. հունվարին Պավել Պոլոմկինի նամակով Իսպահան էր եկել նաև թորատուլը և մեծ պատվով ընդունելություն գտել զենդերի պալատում:

⁶ П. Бутков. Материалы для новой истории Кавказа. Ч. II, СПб., 1869, с. 148.

⁷ Տե՛ս Ա. Բ. Иоаннисян. Иосиф Эмин. Ереван, 1990, с. 247.

մադ խանը զորք է ուղարկում Մուրթուզա Կուլի խանի գլխավորությամբ։ Վերջինս, սակայն, գերադասում է դաշինքի գնալ զենդերի հետ՝ ստանալու համար մերձկասպյան ծովափի տիրապետությունը։ Աղա Մահմադ խանին, արևմտամենայնիվ, հաջողվում է ջախջախիչ հարված հասցնել Աստարադըր գուլիսի համար զենդերի ուղարկած զորքերին, որից հետո նա մեծ ակափություններ շարունակում է զարգացնել իր հաջողությունները։ 1785 թ. սկզբներին մահանում է Ալի Մուրադ խանը և զենդերի բանակում հակասություններ առաջին են սրվում։

Զենդերի կողմն անցած Մուրթուզա Կուլի խանը անցնում է թալիշների մոտ և փորձում Ռուսաստանից օգնություն ստանալու համար հավաստիացնել, թե իբր իր և Աղա Մահմադ խանի միջև թշնամանքը հետևանք է այն բանի, որ ինքը, հովանավորել է Վոյնովիչի էքսպեդիցիային և այլն։

1786 թ. Աղա Մահմադ խանը, որ փաստորեն տիրում էր մերձկասպյան շրջաններին, փորձում է հարթել հարաբերությունները Ռուսաստանի հետ, Ռուսաստանը ևս դեմ չէր Աղա Մահմադ խանի հետ հարաբերությունները բարելավելուն, քանզի հստակ էր արդեն, որ իշխանությունը կարող է մերձալ դաշարներին։ 1786 թ. դեկտեմբերի 25-ին իշխան Գրիգորի Պոտյոմկինը պատասխան նամակ է ուղարկում նրան կամբոտ Կաշուրի միջոցով, նամակում գահունակություն էր հայտնվում բարիդրացիական հարաբերություններ հաստատելու նրա ցանկությունն առթիվ և ընդգծվում առևտրական հարաբերությունների բարելավման խնդիրը։ Կամբոտ Կաշուրին 1787 թ. հունիսին Աղա Մահմադ խանի պատասխան նամակով վերադառնում է Ռուսաստան։ Աղա Մահմադ խանը Ռուսաստան է ուղարկում Միրզա Մոհամեդ Ալուն և վստահեցնում, որ իր կողմից կհարգվեն ռուս-իրանական կնքված բոլոր նախորդ պայմանագրերը և ինքը ամենայն կերպ կաջակցի ռուս-իրանական առևտրին։ Այսպիսով, երկու կողմն էլ շահագրգռված էին բարիդրացիական հարաբերությունների պահպանմամբ։ Սակայն իրանում դեռևս չէր հանդարտվում գահի համար զենդերի և զաջարների միջև պայքարը։ Դրությունը սրում էր նաև Մուրթուզա Կուլի խանը, որը ապավինել էր թալիշներին։ Նրան օժանդակում էին Թալիշի Մուստաֆա խանը, Դերբենդի և Ղուբայի Ֆաթ-Ալի խանը և Բաքվի Շեյխ Ալի խանը, որոնց օգնությամբ Մուրթուզա Կուլի խանը հավաքագրում է 7 հազարանոց բանակ, 1787 թ. սկզբներին ճանապարհվում Գիլան և գրավում այն։ Մուրթուզա Կուլի խանին օժանդակում է նաև Կասպից ծովի ռուսական նավատորմի հրամանատար Պ. Շիշկինը։ Ի դեմս Մուրթուզա Կուլի խանի Ռուսաստանը տեսնում էր մի ուժ, որն անհրաժեշտ պահին կարելի էր հակադրել Աղա Մահմադ խանին։

Մուրթուզա Կուլի խանը երկիցս պարտության է մատնում իր դեմ ուղարկված Աղա Մահմադ խանի զորքերին։ Այդ ժամանակ Մուրթուզա Կուլի խանին թողնում և Թալիշ է վերադառնում Թալիշի Մուստաֆա խանը։ Աղա Մահմադ խանը երրորդ անգամ զորք է ուղարկում Գիլան և գրավում այն։ Մուրթուզան տեղափոխվում է էնդելի և ասլա Շամախի՝ այնտեղից հակահարձակման համար զորք հավաքագրելու։

Մուրթուզա Կուլի խանի ճակատագիրը արդեն լիովին կախված էր Ռուսաստանից։ Այդ ժամանակ (1788 թ.) Ռուսաստանում էր ղտնվում նաև Աղա Մահմադ խանի դեսպան Միրզա Մոհամեդ Ալին, որը մնաց մինչև 1792 թ.։ Ռուսաստանը ցանկանում էր Աղա Մահմադ խանի հետ դրական հարաբերություններ պահպանել, բանի ընթացքում էր ռուս-թուրքական պատերազմը և նրա վիճակը իրանում հաստատուն չէր։ Դրա փոխարեն Մուրթուզա Կուլի խանը, որ իրեն հորջորջում էր Գիլանի, Մաղանդարանի և Աստարադղի օրինական տեր, բազմաթիվ նամակներ էր հղում Ռուսաստան, խնդրելով մտնել Ռուսաստանի հովանավորության տակ թիրճ նահանգներով։ Պարտավորվում էր տարեկան վճարել 10 000 ռուբլի էնդելի ռուսական կայսրորդի պահպանման համար, իսկ ռուսական վաճառականներին խոստանում էր

հարկերի ու մաքսերի լրիվ վերացում: Փոխարենը Մուրթուզան իր դեսպանի միջոցով խնդրում էր երկու ֆրեզատ և 300 զինվոր, որոնք իրեն կաջակցեն իշխանության համար պայքարում⁸:

Ռուսական արքունիքը խուսանալովում էր և որոշակի չէր պատասխանում ո՛չ Աղա Մահմադ խանին և ո՛չ Մուրթուզա Կուլի խանին, քանզի պարզ չէր, թե ո՞ւմ կանցնի իշխանությունը Իրանում: Հստակ էր, սակայն, որ ռուսները ավելի հակված էին Մուրթուզա Կուլի խանին օգնելու: Օրինակ, դեռևս 1787 թ. օգոստ. 19-ի նամակում Գրիգորի Պոտյոմկինը Պավել Պոտյոմկինին գրում էր, որ պետք է աջակցել Մուրթուզային, քանզի նա ավելի է հակված դեպի Ռուսաստանը և առաջարկում էր Դերբենտ ուղարկել երկու ֆրեզատ, անհրաժեշտության դեպքում Մուրթուզային օգնելու համար: 1790 թ. Մուրթուզա Կուլի խանը կրկին գրավեց Գիլանը: Կասպյան նավատորմին հրամարված էր օժանդակել նրան, սակայն բացահայտորեն չխառնվել այլ խանների հետ նրա պատերազմներին: Մուրթուզա Կուլի խանը պարտության մատնեց և գերեց Աղա Մահմադ խանի կողմից իր դեմ ուղարկված Աբաս իւանին և Ռիդա խանին (որոնք Աղա Մահմադ խանի առավել սիրված գործիչներից էին)⁹: Ի հակակշիռ Աղա Մահմադ խանի կողմից գերված և պատանդ սլահվող իր ընտանիքի⁹: Աղա Մահմադ խանը ստիպված երկրորդ բանակը ուղարկեց Գիլան Մուստաֆա խան Դավալուի գլխավորությամբ, որը 1791 թ. մարտին գրավեց Գիլանը: Մուրթուզա Կուլի խանը կրկին տեղափոխվեց Թալիշ: Այդ միջոցին (1791 թ.) լուր է ստացվում, որ զենդերը նորից շարժվում են դեպի Իրանի կենտրոնական շրջանները¹⁰: Աղա Մահմադ խանը թողնում է Իրանի հյուսիսային մասերը և շտապում Լուտֆ Ալի խան Զենդի դեմ: Աղա Մահմադ խանի ուղարկած զորքի հետ առաջին ճակատամարտը շահում են զենդերը և փորձում շարունակել հարձակումը: Այդ ժամանակ զենդերի բանակից Աղա Մահմադ խանի կողմն է անցնում Աբդուլ Ռահիմ խանը, որը Լուտֆ Ալի խանի առավել նշանավոր զորահրամանատարներից էր: Ղտջարների զորքը մտնում է Շիրազ, որի անկումով ավարտվում է զենդերի տիրապետությունը Իրանում:

1794 թ. աշնանը Իրանը փաստորեն արդեն միավորված էր Աղա Մահմադ խանի սրի ներքո:

Ոչ միայն հայ քաղաքական-հասարակական գործիչներն էին հետևում Իրանում տեղի ունեցող իրադարձություններին և փորձում կապեր հաստատել Իրանի հակամարտ ուժերի առաջնորդների հետ, այլև այդ ուժերի պարագլուխները ևս փորձում էին ռուս-պարսկական հարաբերությունները բարելավելու համար օգտագործել հայ և վրաց գործիչների միջնորդությունները¹¹:

⁸ АВПР, ф. 100, д. 486, л. 28, 68—69, 70—74 и сл. Մուրթուզա Կուլի խանը իր դեսպան Մահմադ րեզին Աստրախան էր ուղարկել դեռևս 1785 թ., որը, սակայն, անպատասխան վերադարձավ Մուրթուզայի մոտ: Երկրորդ անգամ նա Աստրախան եկավ 1788 թ. Մուրթուզայի մի քանի նամակներով և կրկին անպատասխան մնաց: Վերջապես երրորդ անգամ Մահմադ րեզը Աստրախան եկավ 1791 թ.:

⁹ И. Дубовиц. Поход графа В. А. Зубова в Персию в 1796 году.— Военный сборник, 1874, № 2, с. 188.

¹⁰ Մուրթուզա Կուլի խանը դեռևս հուլիս ունեի կրկին վերադառնալ Գիլան և այդ մասին նամակով Հովսեփ Արզումանի միջոցով հայտնել էր Գ. Ա. Պոտյոմկինին: Արզումանի հետ հանդիպման ժամանակ Պոտյոմկինը «էհարց Մուրթուզայի խանի որպէս, նորա գիրէ առ մեզ պարսերէն. ռուսերէն թարգմանել իւրն ետու ասաց. կարդացից և կատարումն արարից: ...Մուրթուզայի ղուլի խանի վերայ ևս ուրախ եղե, որ գնալոց է ի Գիլան և Աղայ Մահմադ խանի զօրութեան պակասելն սորա խնդութիւն է» (ՄՄ, ձեռ., № 2949, էջ 232 ր):

¹¹ 1786 թ. Աղա Մահմադ խանը լավ ընդունելություն է կազմակերպում վրաց իշխան Զաքարիա Ցիցիսիանովին Իսպահանի մոտ գտնվող Սանդրարանում և պատվով ետ ուղարկում: Նա առաջված էր Հերակլ II-ի կողմից, որն արդեն կնքել էր 1783 թ. ռուս-վրա-

Այսպես, 1791 թ. Մուրթուզա Կուլի խանը Ռուսաստան առաքված Մոհամեդ բեգ դեսպանի միջոցով խնդրել էր Ռուսաստանից փոխել Ռուսաստանի հյուպատոս Շիշկինին, որը ոչ միայն չէր օժանդակում, այլև որոշակի սպառնալիք էր ստեղծել իր համար:

Շիշկինի դեմ էին տրամադրված նաև ռուս-իրանական առևտրում զբաղված հայ վաճառականները և հատկապես Աստրախանի հայերը: Այդ մասին վկայում են նաև Հովսեփ Արղուսյանի Մկրտում Գալստյանին ուղղված 1791 թ. հունիսի 20-ի նամակի հետևյալ տողերը. «Մայիսի 25-ին գիրդ ընկալեալ... գիտացի և շուրջ նաւի քոյ արգելմունքն և փրքաշիկի դրկելն ի Հաշտարխան և այլն: Այսօր... ես գիր գրեցի քննադին (իմա Գ. Պոտյոմկինին—Պ. Զ.) վասն քոյ ամենայն զրկանացն և ես ինքնին գնացի և մատուցի և բերանով պատմեցի. ծիծաղեցաւ և ասաց. «Կազօյի շորթ Շիշկին, սկօրայ նէ բուդէթ օն տամ»: Խնչկիցէ, խօստացաւ զնա հանել և կողմանց դրանիցն կատարումն տալ»¹²:

Հավանաբար ոչ միայն Մուրթուզա Կուլի խանի, այլև ռուսական իշխանությունների և Աղա Մահմադ խանի հիվանդության ու լուտֆ Ալի խանի հաջողությունների մասին իրանից ստացված լափազանցված լուրերն էին հիմք տվել Արղուսյանին կարծելու, թե մոտ է Աղա Մահմադ խանի փոխարեն հայերի նկատմամբ բարեկամաբար տրամադրված Մուրթուզա Կուլի խանի տիրապետության հաստատումը: Այդ լուրը, որ նա հաղորդել էր հնդկահայոց, ոգևորել էր նաև Հովսեփ էմինին: Վերջինս Արղուսյանին 1792 թ. հունվարի 4-ին գրած նամակում նշում է. «Այլև մխիթարութիւն իմն տաս մեզ... յաղաքս ծանօթ լինելոյն ձեր ընդ իշխանին Կիլանայ՝ ասելով, եթէ նա պայազատեսցէ ի տեղի եղբօր իւրում Աղա Մահմադ խան Ղաշար բռնաւորին ի Սպահան, այցելութիւն ինչ առնելոց է անդ բնակեալ հայոց ազգին»¹³:

Մուրթուզա Կուլի խանի դեսպանը, որ ժամանել էր Աստրախան, այդ պահանջը հայտնել էր նաև Հովսեփ Արղուսյանին: Արղուսյանի 1791 թ. հունիսի 20-ի նամակից¹⁴ պարզվում է, որ ինքը նամակ էր ստացել նաև Մուրթուզա Կուլի խանից¹⁵:

Այդ նամակները թարգմանելով, իր բացատրագրի հետ միասին Արղուսյանը հանձնում է Գ. Ա. Պոտյոմկինին, որը խոստանում է կատարել Մուրթուզա Կուլի խանի համար նրա բոլոր միջնորդությունները¹⁶ ու նաև նոր հյուպատոս ուղարկել Գիլան: Ուշագրավ է, որ արդեն իսկ մեկ ամիս անց՝ 1791 թ. հուլիսի 18-ին Մկրտում Գալստյանին գրած նամակում Արղուսյանը հայտնում է, որ «Շիշկինն փոխեցաւ շարաշար և ի տեղի նորին

դական Գեորգիեյան դաշնագիրը և որին խնդրում էր միջնորդել ռուս-պարսկական հարաբերությունները բարելավելու համար, խոստանալով նրան հանձնել հարեան խանությունների կառավարումը, ինչպիսի հիմունքներով նա տիրում էր Երևանին:

¹² ՄՄ, ձեռ. № 2949, էջ 232 ր:

¹³ Վ. Ռ. Գրիգորյան. Հովսեփ էմինի և Հովսեփ Արղուսյանի անտիպ նամակները (1791—1792 թթ.).—ՊՐՀ, 1990, № 4, էջ 194:

¹⁴ ՄՄ, ձեռ. № 2949, էջ 233 ր:

¹⁵ Նամակի բնագիրն ու ռուսերեն թարգմանությունը տե՛ս АВПР, փ. 100, л. 464, л. 163, 172:

¹⁶ Արղուսյանի և աստրախանյան Մկրտում Գալստյանի նամակագրությունից պարզվում է, որ ինչպես Մուրթուզա Կուլի խանի, այնպես էլ նրա դեսպանի գրագրությունները ռուսական արքունիքի հետ կատարվում էին հայ գործիչների միջոցով: Արգեն 1791 թ. մարտի 28-ին Արղուսյանը Գ. Ա. Պոտյոմկինին հայտնում է «գորպիսն Մուրթուզալի խանի ղապիսկով և նորա ուրախ լինիւն» (ՄՄ, ձեռ. № 2949, էջ 216 ա): Նույն թվականի մայիսի 8-ի նամակում Արղուսյանը հայտնում է. «Ապրիլի 15-էն գրած գրոյ ընկալնուն, քննադին ծանուցանելն անբախտութիւնն Մուրթուզաղուլի խանի, Շիշկինին փոխելն...» (նույն տեղում, էջ 226 ր):

կարգաւորւելու պօլկովնիկ և կավալէր պարոն Ահմատովն, այդ բարձր... Այսօր և, ևս առ մեկ շնորհակալ լինէր յինէն, որովհետև պատճառն մեք և դաք տրտաքսելոյ ղՇիշկինն ի զործոյն, քանզի Վասիլ Ստեփանիշն և բոլոր էանցալարի մարզիկէն ասացեալ էին իւրն, թէ վարդապետն է պատճառն, ի նմանէ շնորհակալ լէր... 1793 թ. ղեկտեսքերի վերջերին Մուրթուզա Կուլի խանը Գիլանից փախչում է ռուսական նավ, որով և նրան ու նրա կողմից գերված երկու խաներին (Արաս և Ռիզա) 1793 թ. ապրիլի 30-ին տեղափոխում են Աստրախան և նշանակում ամսական 1000 ռուբլի պետական թոշակ¹⁷:

Աղա Մահմադ խանը միջոցներ և ուղիներ էր որոնում Ռուսաստանում՝ դաւանող հզորոր կրկին իրան վերադարձնելու և իրանում իր տիրապետութեան համար այդ սպառնալիքը շեղեցնելու նպատակով¹⁸: Նա տարբեր միջնորդություններով փորձում է ապահովել զեթ Արաս խանի վերադարձը: Այդ նպատակով 1795 թ. հունիսին երկու բանագնաց է առաքում Ի. Վ. Գուրովիչի մոտ, առաջարկելով վերադարձնել Արաս խանին և նրա հետ Մուրթուզա Կուլի խանի մոտ գտնվող գերիներին, խոստանալով Մուրթուզա Կուլի խանի բռնադատման սպառնալիքներ և աջակցություն ռուսական վաճառականությունը: Ռուս-իրանական առևտրում:

Որոշակի պատասխան չստանալով ռուսական իշխանություններից, Աղա Մահմադ խանը վերջնականապես հրաման է տալիս զորքերին սկսելու ռազմական գործողությունները: Մինչ այդ նա Այսրկովկաս արշավելու իր մտադրությունների մասին հատուկ սլառափրակութեամբ տեղյակ էր պահել Թուրքիային և սուլթանից հավաստացում ստացել նրա շեղեցման մասին: 1795 թ. սկզբներին Մուրթուզան տեղափոխվում է Պետերբուրգ և լավ ընդունակության արժանանում ռուսական արքունիքում: Աղա Մահմադ խանը 1795 թ. օգոստոս—սեպտեմբեր ամիսներին գրավում է Այսրկովկասի ղզալի մասը, ավերում Թրիլիսին և հասցնեալ վերադառնում Խորասան:

Այդ արշավանքը ավելի է նպաստում ռուսական իշխանությունների նրկասմամբ այսրկովկասյան ժողովուրդների հակամարտ: Աղա Մահմադ խանը ես շարունակում է այլ միջնորդություններ փնտրել Արաս խանին վերադառնալու նպատակով: Պահպանվել է Ղուկաս կաթողիկոսի 1795 թ. նոյեմբերի 24-ով թվագրված, Մկրտում Գալստյանին ուղղված նամակի սևագրությունը, որտեղ կաթողիկոսը հավաստում է, թե Աղա Մահմադ խանը, ռոր և զայս երկիր ընդ բռնաբեր էած, հարկէր դրեալ մեզ՝ հոգ տանիլ վասն դործուցանելոյ զայն զայն (իմա՝ Արաս խանին—Պ. Ն.): Եւ մեք թէպէտ և գիտելով, թէ օտար է ի մէնջ այսպիսի գործ, սակայն ստիպեալ ի հարկէն զթուղթ մի գրեցաք առ սիրելին մեր՝ առաջնորդ Յովսէփ գերզգոն վարդապետն, զի թէ հնար իցէ, արձակել տացէ զայն և թէ կարելի չիցէ, զպատասխանի իմն գրեսցէ առ մեզ²⁰: Այնուհետև խնդրում է շուտափույթ պատասխանել իրեն, ռոր ի վնասուց անկասկած մնայցեմք²¹: Դժվար չէ կռահել, թե ինչ պատասխան պիտի ուղարկեր Արղուսյանը Ղուկաս կաթողիկոսին, և թե նկատի ունենանք, որ ռուսական իշխանությունները արդեն որոշել էին Աղա Մահմադ խանին պատժելու պատրվակով արշավանք կազմա-

17 ՄՄ, ձեռ. № 2949, էջ 238 ա:

18 П. Б у т ъ о в, Указ. соч., с. 326: Н. Д у б р о в н ы, Указ. соч., с. 188--189.

19 Հստ ռուսական կողմին Քալիշի Մուստաֆա խանի տված տեղեկության, Աղա Մահմադ խանը Արաս խանի հետ փոխանակելու համար ռուսական որևէ նավի կամ խոշոր պաշտոնյայի պատանդ վերցնելու պահանջին չենթարկվելու համար տանջանքների է ենթարկել Գիլանի որոշ բարձր պաշտոնյաների (Армяно-русские отношения в XVIII веке. 1760—1800 гг., сб. док., т. IV, под ред. М. Г. Нерсисяна. Ереван, 1990, с. 411).

20 ՄՄ, ԿԴ, 6/401, էջ 24—24ա:

21 Նույն տեղում, էջ 24ա:

կերպել Այսրկովկաս: Այդ արշավանքի կազմակերպման լուրը, բնականաբար, մեծ հույսեր է արթնացնում Արղուիթյանի մոտ: Նա գրավոր խորհուրդներով փորձում է ռուսական իշխանություններին համոզել, որ արշավանքը պետք է կազմակերպվի ոչ միայն Վրաստանը պաշտպանելու նպատակով և զորք մտցնել Թբիլիսի, այլ Այսրկովկաս պիտի մտնել Դերբենտի և Բաքվի ուղղությամբ և գրավել նաև Շաքին, Շիրվանն ու Գանձակը, որը հնարավորություն կտա «օգնել հայոց Երևանայ և այլոց ևս գերելոցն, որք ի Պարսս են»²²: Արղուիթյանի համար հստակ էր, որ ժամն է օգտագործելու Մուրթուզա Կուլի խանի թեկնածությունը և Ստեփան Դավթյանին ուղղված նույն նամակում խնդրում է նրանից, որպեսզի Մուրթուզա Կուլի խանին հայտնի, թե «վասն քոյ որքան կարելի էր աշխատեցայ և զքեզ հասուցի քոյ փափականացն, որ էր տեսութիւն թագուհւոյ, այժմ քոյ դէրաթն՝ ինչ առնել, զի մեր հայրենիքն վասն քոյ աւերեցան»²³: Արղուիթյանը կարծում էր, որ «եթե զդա (իմա՝ Մուրթուզա Կուլի խանին) դնեն ընդ Սուլթանովին, իսկոյն կուտածի եղբայրն և ամենայն զօրքն՝ յետ դառնալոց են և վերջացուցանելոց»²⁴: Եվ իրոք, 1796 թ. փետրվարի 19-ին Վ. Ա. Զուբովին տրված կայսերական ցուցումներում նշվում էր, որ արշավանքի ընթացքում պետք է անցնել Քուռ և Արաքս գետերը և հիմնական նպատակ դարձնել «уничтожение сил и власти Ага Махмет хана и восстановление Муртазы Кули хана начальню в Гильяне...»²⁵ Այնուհետ՝ «по восстановлению Муртазы Кули хана в Гилане возможен он устремиться в Минзандропскую провинцию...»²⁶

Արշավանքի ժամանակ ռուսական զորքերը, ըստ նշված ցուցումների, պիտի գործեին Արևելյան Այսրկովկասում ու Վրաստանում և ապա միասնաբար արշավեին դեպի Պարսկաստան, իսկ Երևանի խանության հարցի լուծումը թողնվում է Հերակլ II-ին, «как для того, чтобы не ослабить сил своих и не отвлечь их от главной их цели, так и для того, чтобы приближением к пределам Порты Оттоманской рановременно не возбудить сильного в них беспокойства и тревоги»²⁷:

Ռուսական զորքերի հետ Այսրկովկաս է գալիս նաև Հովսեփ Արղուիթյանը: Նա արշավանքի իրականացման իր պլանները շարադրում է զորքերի հրամանատար Վ. Զուբովին 1796 թ. սեպտեմբերի 2-ի նամակում: Արղուիթյանը ընդգծում է, որ ինչպես Երևանի խանը, հայոց կաթողիկոսն ու մելիք Աբրահամը «ожидают нетерпеливо со обществом прибытия вашего сиятельства»²⁸ և հիշեցնում, թե «по прибытии Муртузы Кули хана в Астрабат, делается немалое смятение в войске Ага Магомеда, так и в народе «сопротивление противу его...»²⁹

1796 թ. սեպտեմբերի 14-ին Մուրթուզան դեռևս չէր եկել Աստրախանից և միայն սպասվում էր նրա գալուստը: Այդ մասին Արղուիթյանը նշում էր Հերակլին գրած իր նամակում. «Муртуза Кули хан в скорости прибудет к нам из Астрахани, а отсюда морем отправится в Астарабат»³⁰. Մուրթուզա Կուլի խանին ռուսական իշխանությունները ուղարկում են Սարի կղզի և նրան ուղեկցող նշանակում Պյոտր Կովալենսկուն, որտեղից նրանք

²² Армяно-русские отношения..., т. IV. с. 414.

²³ Նույն տեղում, էջ 415:

²⁴ Նույն տեղում:

²⁵ Նույն տեղում, էջ 420:

²⁶ Նույն տեղում, էջ 422:

²⁷ Նույն տեղում, էջ 421:

²⁸ Նույն տեղում, էջ 438:

²⁹ Նույն տեղում, էջ 437:

³⁰ Նույն տեղում, էջ 440:

լակցախյուսներ էին վարում մահմեդական ցեղերի առաջնորդների հետ՝ նրանց Աղա Մահմադ խանի դեմ ոտքի հանելու համար: 1796 թ. նոյեմբերին անակնկալ մահանում է Նկատերինա II-ը և Պավել I-ի հրամանով դադարեցվում է ռուսական արշավանքը Այսրկովկաս, իսկ զորքերը 1797 թ. ետ են քաշվում դեպի Ռուսաստան:

Ռուսական քաղաքականության այդ անակնկալ շրջադարձը շարունակում է մտցնում ինչպես հայ գործիչների ծրագրերում, այնպես էլ Մուրթուզա Կուլի խանի ճակատագրում: 1797 թ. Աղա Մահմադ խանի սպանությունից հետո Պարսկաստանում սկսված գահակալական կռիվներում հաղթում է Բաբա խանը և այնուհետև օծվում որպես Իրանի նոր շահ՝ Ֆաթ Ալի շահ անունով (1797—1834): Մուրթուզա Կուլի խանի թեկնածության հնարավորությունը այլևս վերանում է³¹, իսկ նրա մոտ որպես գերի պահվող Աբաս խանին և ուղեկիցներին թույլատրվում է վերադառնալ Պարսկաստան:

Հովսեփ Արղությանը, որ մինչ այդ հարաբերություններ էր սկսել նաև Աբաս խանի հետ, ոչ միայն փորձում է առիթն օգտագործել նրան ևս դրականորեն տրամադրելու հայ ազատագրական շարժման որոշ գործիչների նկատմամբ, այլև կտրուկ շրջադարձ է կատարում և փառաբանելով Աղա Մահմադ խանին ու նրա տոհմը, աշխատում է շահել նրանց համակրանքը: Պահպանվել է Արղությանի նամակը, որից տեղեկանում ենք, որ Աբաս խանը նամակ էր գրած Ս. Ա. Բեգրոդկոյին Ռուսաստան դեսպանագնացության մեկնած հայ մելիքների միջոցով՝ հավանաբար նրանց Աստրախանում գտնվելու ժամանակ: Այդ նամակը Արղությանը ներկայացնում է Ս. Ա. Լաշկարովին և Ս. Ա. Բեգրոդկոյին խնդրում է Պավել I-ին ծանուցել ինչպես Աբաս խանի խնդրանքի, այնպես էլ Ղուկաս կաթողիկոսի և իր միջնորդությունների մասին: Ըստ Արղությանի Աբաս խանին դրած նամակի, կայսրը հրամայել էր. «Հրաման գրել առ տեղույդ պարոն գուբեռնաթիկոյա Նագուլիչ Նագուլիչ Արշինովսկուն, որ քեզ (իմա՝ Աբաս խանին—Պ. Չ.) արձակեսցէ գնալ առ կարօտեալ ընտանիսն... տալ քեզ... հարկը թուման ճաշապարհի խարջի և մնացեալ օրական ոտճիկն քոյ: ...ի դալ շարաթին ողորմութեամբն աստուծոյ ութազն րարձրագոյն ուղեորեալ լինելոց է առ ձեզ և ես նորին կօպիէն առաքեցից առ քեզ»³²:

Հովսեփ Արղությանն Աբաս խանի Պարսկաստան վերադարձի առիթն օգտագործելով նրա միջոցով մաղթանքներ ու խնդրանքներ է հղում Բաբա խանին: 1798 թ. մարտի 12-ին Պետերբուրգից Աբաս խանին գրած ընդարձակ նամակով Արղությանը շնորհավորում է Բաբա խանին. «Ձի թագաւորեսցէ ի վերա Պարսից Աթոռուն վասն խաղաղութեան, վասն աշխարհաշինութեան և վասն գթութեան և ողորմութեան ի վերա հպատակաց իւրոց... և զգոյթ խնամոց և ողորմութեան իւրոյ տարածեսցէ ի վերա հպատակաց իւրոց մահմետականաց և քրիստոնէից»: Այնուհետև խնդրում է «որպես նախնի թագաւորն պարսից ևս Աղայ Մահմատ խան թագաւորն հայրն և հօրեղբայրն իւր ողորմութեամբն իւրեանց միշտ պահպանել զսուրբ Աթոռն մեր էջմիսօին. Ուլքիլիսայ կոչեցեալ և մեծ հալիֆ նորին... առաւել ցուցանել առ նա զգոյթ և զողորմութիւն իւր և հրամայել Նրեանայ խանին, որ շղրկեն զՈւլքիլիսէն և կամ յափշտակէն գմուլք նորա, զի նախնի թագաւորն մաղաֆ են արարեալ զգիւղօրայս Ուլքիլիսէի...»: Հաջորդ կետով խընդրում է «զգոյթ ողորմութեան իւրոյ տարածանել առ ողորմելի ազգս մեր, որք են ենթ խնամոց և հովանաւորութեան իւրոյ մեծութեանն, որ նորա վայելելով զայն՝ փախուցեալքն ի բռնութենէ խիստ տեսարցն յետս դաւձցին

31 Մուրթուզա Կուլի խոնք վերջին անգամ Աստրախան է գալիս 1797 թ. հունիսին և նամակով դիմում Հ. Լազարյանին: Մահանում է Աստրախանում 1800 թ. հոկտեմբերին Պարսկաստան վերադառնալու թույլտվություն ստանալուց մի քանի ամիս անց: Տե՛ս Վ. Դի-լոյան. Նշվ. աշխ., էջ 179:

32 ՄՄ, ձեռ. № 2951, էջ 161 ր—162 ա:

ի ճաւրհենի աշխարհն իւրեանց»։ Հինգերորդ խնդրանքը վերաբերում է Արցախի խնդրին։ Արդությանը պահանջում է Ղարաբաղի Իբրահիմ խանին «բառնալ ի Շուշու բերթէն և կործանել զնա» քանզի նա էր Աղա Մահմադ Շահի սպանման պատճառը և «կործանիւ իմոյ ազգին և ջնջիւ յերկրէ անտի»։

Այնուհետև Արդությանն իր ծառայութիւնն է խոստանում պարսկա-ռուսական բանակցութիւններում և փոխարենը պահանջում է Թիֆլիսից տարված գերիներին ազատութիւն շնորհել և «դարձուցանել զնոսա յերկիրն իւրեանց»։

Վերջին ութերորդ կետով Հ. Արդությանը խնդրում է Աբաս խանից, որ «զոր ինչ պարոն Մէլիք Ջիմշիտին ասացեալ էիր և կամ գրով նշանեալ, այն կատարումն ետ»։

1798 թ. մարտի 22-ին Հովսեփ Արդությանի Մկրտում Գալստյանին գրած նամակից տեղեկանում ենք նաև, որ այդ նամակը Աբաս խանին պիտի հանձնվեր Աստրախանում Մկրտում Գալստյանի միջոցով, որից և խնդրվում էր Աբաս խանին «լաւ հասկացնել Սերգե լազարիչին (լաշկարով) խոստացեալ հարիւր թումանն. ընդ շնորհակալութեան թղթոցն ասացես փութով առաքել ձեռամբ քով, որ դու աստ գրեսցես ումեք հասուցանել նմա, իւր ճանապարհորդական խաբլի հարիւր թումանն շնորհեալ նորին մեծութիւնն, հետևողութեամբ մերով, որ յիւր քսակէն ոչ ինչ չեւանէ»³³։

Նույն թվականի մայիսի 13-ին Աբաս խանին Արդությանի գրած նամակի համառոտագրութիւնից պարզվում է, որ Աբաս խանի նամակը ըստացվել է Պետերբուրգում և ուղարկվել է կայսեր «ուրազն, որ առ նոր գութեռնաթն Հաշտարխանու, սակա գնալոյն իւրոյ ի հայրենիսն մեծաւ պատուով, որոց և զօրինակն ընդ դրոյս առաքիլն մեր առ ինքն»³⁴։ Այս նամակում Արդությանը կրկին խնդրում է «եթէ մէլիք Ջիմշիտին բան ինչ անկանիցի նմա, ոչ անտես առնել զնա, որպէս փոխանակ սիրոյ նոցա զոր սիրեն զնա»։ Նույնպէս յանձնարարութիւն վրասն ազգին և սրբոյ Աթոռոյ, որպէս գրեալ եմք քանիցս իւրն»³⁵։

Աբաս խանը շուտով վերադառնում է Իրան։ Հայրենիք վերադառնալու թույլտվութիւն է ստացվում նաև մելիք Ջիմշիտի և մելիք Յրիգոնի համար, որոնց հետ Այսրկովկաս է ուղարկվում նաև Պյոտր Կովալենսկին։ Վերջինս, վրաստան մեկնելու ճանապարհին, 1799 թ. օգոստոսի 17-ին արքունիք ուղարկված իր զեկուցագրում հաղորդում է. «Армянский мелик Джимшид Шахназаров, находящийся здесь для окончания собственных своих дел и в скорости отправляющейся в Моздок для совокупного со мною переезда в Грузию, представил ко мне полученное им от Бабахана письмо в сопровождении такового же от некоего Абазхана, содержащегося здесь в плену и по высочайшему соизволению отпущенного в свое отечество. Письмы сии по недостатку здесь надежных персидского языка переводчиков не могли быть переведены в точности, по содержанию оных, заключаются оне в том, что Баба хан похваляя прежния его, мелика, верность и усердие на службе Аги Магомед хану приглашает его возвратиться пэки в Персию со обнадеживанием содержать его в особенном уважении и милостях своих. Я, сопроводжая при сем означенныя письма в оригинале, приобщая тут же и порученный мне от упомянутого мелика на всевысочайшее имя всеподданнейший что по поводу сих писем отзыв, с коего следует у сего для сведения Вашего сиятельства список, долгом моим имею честь донести, что сем случае Мелик Джимшид не оставил возобновить предо мною изустно священный свой обет пребыть всегда верным и усердным к службе е. и. в.

33 Նույն տեղում, էջ 163 ր

34 Նույն տեղում, էջ 177 ա

35 Նույն տեղում։

без малейшаго когда-либо от подобных предложений твердости своей колебания»³⁶.

Մելիք Զիմշիտին առաջված իրանի նոր շահի այդ հրավերը պատահական չէր: Նա փորձում էր բոլոր միջոցներով այսրկովկասյան ժողովուրդների առաջնորդներին համոզել կապերը խզելու Ռուսաստանից և կրկին ընդունելու: Իրանի հպատակությունը Ֆաթ Ալի շահը վրաց Գեորգի XII-ից ևս պահանջում էր ենթարկվել իրանին և պառանդներ ուղարկել, խոստանալով նրան հանձնել Երևանի, Գանձակի, Շաքիի ու Շիրվանի կառավարումը, իսկ հակառակ դեպքում սպառնում էր արշավել և ավերել Վրաստանը: Իր հերթին Հովսեփ Արղուիսյանը, «գեղարված Ռուսաստանի մտադրությունների լրջությունից և հաղորդելով Պավել I-ի առաջարկությունը Գեորգի XII-ին, «որ եթէ կամին մտանել ենթ հովանաւորութեան իւրոյ, յայնժամ ցուցցէ զիւր ողորմութիւնն մեծ», շտապեցնում էր նկատի ունենալ իրանի սպառնալիքը և ռուսափույթ դեսպանություն առաքել Ռուսաստան՝ ռուսական օգնությունը ստանալու նպատակով: «որ ահա ունի պատրաստեալ... թագ, ծիրանի, թուր, կաւալեր, ասաղ և այլն ամենայն իւրն և ժառանգին, ևս եղբարցն, զօրքն ևս պատրաստ է»³⁷:

XVIII դարի 90-ական թթ. վերջին սահմաններին միջադեպին քաղաքական նպատակով հանդամանքներ Այսրկովկասի միացումը Ռուսաստանին իրանականացնելու համար: Խոսքն առաջին հերթին վերաբերում է Ֆրանսիայի եգիպտական արշավանքին, որից անմիջապես օգտվեց Ռուսաստանը: Այն սրեց ֆրանս-թուրքական հարաբերությունները և բերեց ռուս-թուրքական մերձեցման և դաշինքի (1799 թ.)³⁸, որով թուրքիայի կողմից այսրկովկասյան գործերին միջամտելու կաշկանդվածությունը ապահովագրված համարելով՝ Ռուսաստանը ձեռնամուխ եղավ Այսրկովկասի նվաճմանը: Իրանում Ֆաթ Ալի շահը դիրքերը ղեկավարելով լիովին չէին ամրապնդվել և նա ևս, ռուսական արքունիքի կարծիքով, ի վիճակի չէր կարող լինել լուրջ դիմադրություն կազմակերպելու Ռուսաստանում, ի վերջո, սաացվում է Գեորգի XII-ի խնդրագիրը, որտեղ համաձայնություն էր հայտնվում Ռուսաստանի դերը խանություններ 16 կետից բաղկացած պայմաններով ընդունելու մասին: Ռուսական ղորքերը գնեցնալ կաղարկի հրամանաարությունը 1799 թ. նոյեմբերին մտնում են Վրաստան և 1800 թ. Գեորգի XII-ի երկարատև հիվանդության ժամանակ՝ մասամբ, իսկ նույն թվականի դեկտեմբերի 28-ին նրա մահից հետո՝ ամբողջությամբ, փաստական կառավարման շեկը երկրում վերցնում իրենց ձեռքը:

ИЗ ИСТОРИИ АРМЯНО-РУССКО-ИРАНСКИХ СВЯЗЕЙ

(Конец XVIII в.)

П. А. ЧОБАНЯН

Резюме

Деятели армянской освободительной борьбы конца XVIII века сотрудничали с претендентами на шахский престол и феодальной верхушкой Ирана, надеясь использовать их прорусски настроенную часть в разрешении вопроса освобождения Армении от иранского господства. В свою очередь представители иранской стороны часто пользовались посредничеством армянских деятелей в налаживании связей с русскими властями.

³⁶ АВЛР, ф. СРП, оп. 77/6, 1796—1800, д. № 473, л. 306.

³⁷ ՄՄ, ձև. № 2951, Բ. 214—215:

³⁸ История дипломатии, Т. I, М., 1959, с. 458.